





游梁集卷之五

嶺南歐大任楨伯甫著

七言律詩

登表臺懷徐子與

桐栢西來雪浪翻使君曾此共清尊登臺不見詞  
人賦趨府偏思國士恩二室烟霞招大隱十年賓  
客老中原武昌吹笛樊山讌誰似風流在楚門

申州訪大復先生舊宅寄懷啓圖太史

一代名家大雅新胎簪山色尚嶙峋  
紬書石室今



良史典秘蘭臺有世臣策杖我尋澗水月揮鞭君  
醉薊城春應門不用詢名姓此地多來問字人

聞曾以三轉浙江大叅分守湖州

星輅聞已出西秦叅省南來寵命新紫綬金章勞  
使者碧苔蒼弁待詞臣燕中金馬多經月淮上烹  
魚六度春日送楚雲過浙水不知登覽共何人

春日光州懷歸

偶寄微官學廣文豈能經術似河汾青春蕭艾愁  
中長白晝魚龍夢裏聞宦業荒齋惟亂帙世情高  
枕但浮雲思歸南海依慈母便向朱明祝聖君

荅劉子素

三十爲郎侍紫宸名從二室鬪嶙峋過秦尚作燕  
門客喻蜀初歸漢使臣浮弋月爲巴子雪玄湖花  
似錦江春著書君已成鴻寶白首何慚報主身

午日過新蔡訪張助甫

西驅羸馬問林泉君厭承明已十年自解旌旃雲  
夢澤早休車騎汝陰田菖蒲入酒沾巖瀑薜荔縈  
牕帶壑烟誰似謝家兄弟好樓前蒿少傍青天



荅張見甫載酒十里出餞汝河

張郎曾是勒銘才，姓字初從大陸來。  
漁釣自歸桐栢水，詩篇今滿鐵丘臺。  
懷鉛登閣開千卷，走馬臨河送百杯。  
十載風雲歡把袂，幽期還待碧山隈。

張見甫自新蔡來訪得情字書字 二首

竹林殘暑攝衣迎，揖客西來坐盡傾。  
異代河山扶片語，中原漁獵傍時名。  
馬嘶講肆非官舍，鸞嘯高天豈世情。  
囊有酒錢君莫問，金鞍還許過孤城。  
大淮新雨漲何如，誰道君停下澤車。  
狂似酒人歌

易水游同詞客集，漳渠藤篋早約三江釣。  
玉笈今藏五岳書，握手尊前看意氣。  
西風歸騎一躊躇。

荅許太史惟楨見寄

秋風開徑已蕭騷，詞苑書來鴈影高。  
健在我惟凋鬢髮，雄飛君尚念蓬蒿。  
緱山笙駐千峰鶴，汝海窓臨八月濤。  
他日夷門憶公子，停車不羨信陵豪。

寄朱子深

尺書征鴈寄蒼茫，江國詞人一草堂。  
綵筆醉揮霜雪色，寶刀寒射斗牛光。  
夜留孤月懸匡岳，秋湧飛



濤掛豫章賓客欲從飛蓋後不妨歌吹薦華觴

寄朱用晦

鼎食寧論似素封西江朱履盡相從趨前拜客觴  
頻送虛左迎人轡愈恭門約白雲為八鶴城連紫  
氣是雙龍由來仙者多能俠期爾香爐第幾峰

寄汪德弘陸華甫吳虎臣黃定甫吳子化吳

孝甫卞長卿吳叔承程良學邵長孺倪惟

思十一子

十二城邊南北分飄零劍鳥易離羣笳吹夜雨那

堪醉木落秋風不可聞淮女孤舟頻送客楚人芳  
草最思君書來好寄枚乘作無數征鴻傍海雲

秋日游司馬喻公園池

白羽曾麾掃三庭居閒嵩洛在郊垆山樓朝蕩玻  
瓈紫池檻秋開罨畫青萬里赤霄今鳳起五年滄

海自鴻冥安危

釣舲

光州九日劉伯玄邀飲臺上

時東西二虜窺邊兩河諸郡發

兵入衛

萬家蕭瑟傍丹梯醉眼中原且杖藜芒碭浮雲開



國虞詩集 游梁卷之五 四  
穎下輾轅飛雨滿淮西漢京城闕邊烽起燕甸山  
河戰馬嘶六載 主恩容散吏佩萸何處望金閨

吳虎臣訪余光州長至集齋中

三年送爾大鄣迴千里尋余汝水來雪後蒯緱孤  
劍在星前桑落一尊開門庭冬至惟凋柳河洛春  
遲未見梅誰料他鄉還把袂天涯須盡故人杯

荅魏郡魏秀才見寄

書來雙璧忽相投鴈過浮光十二樓

知

汝在開尊北海共誰游濁漳濤掛孤城雪大陸風

驅萬騎秋回首中原猶偃蹇不堪箕踞謝文侯

雪中吳虎臣過同賦

雲樹高齋萬壘屏故人來似涉殊庭天連銀闕三  
山白水作瑤池一鳥青授簡豈能梁苑賦披篔簹惟  
憶楚江聽媿君坐上陽春曲夜半持觴笑獨醒  
劉重慶邀飲玄湖雪霽泛舟

白髮翛然俠氣生病來猶共酒船行山陽頗擅爲  
園地海內深知結客名湖暖梅花催臘早雪晴蘭  
槳撇波平鄭莊門下多推轂何但長安置驛情



寄汪中丞伯玉時撫鄖陽

二首

詔書絡繹動鳴騶三楚來分  
聖主憂開府一星  
懸執法明堂四岳領諸侯功多滄海餘  
鯨日賦倚  
雄風羽獵秋庾亮胡牀情不淺嘯歌何但似江州  
千家湯沐重襄鄖人喜褰帷得使君峴首碑題羊  
叔子粵南星避馬將軍門生玉笛行間奏賓客銅  
鞮醉後聞投筆欲從趨府吏珠旗猶隔楚江雲

送吳虎臣游太岳

二首

天柱峰前百八盤君行支策幾回看白雲不散金

銀氣蒼雪長飄檜栢寒玉檢何年封洞穴琅璈中  
夜上星壇乘麟可馭靈風急應向南巖駐羽冠  
紫霄宮殿俯飈臺織鐵參差萬壑哀七澤晴雲當  
檻起三秦烟樹八關來新題玉笈仙容讀舊鎖瓊  
扉帝許開方朔陸沉將欲去青驪海上待君廻

和劉黃門春日感懷

諫獵書猶在瑣闥家傳豈但夕郎衣菑川固上公  
孫去洛下誰令季子歸馬首關河鞭更疾牀頭風  
雨劔將飛春來賓客歌呼甚何處黃金不可揮



國風音集  
卷之三  
春雪夜王侍御同袁潛山見過

楊花三月滿河濱  
閉戶先生未似貧  
却假霜威頻促客  
偶除山徑一逢人  
草堂繪裏黃州夜  
玉島沾來紫禁春  
誰謂才名擅獨冷  
曲高能和郢歌新

寄題董子元城南草堂

博士春秋爾最長  
竹林繁露滿山房  
赤鳥碣在晴嵐散  
白苧城高海氣涼  
屏倚隱囊看榻管  
牕含明月醉持觴  
書成差自強人意  
不必將歸五岳藏

荅邵長孺汴中見寄

落落河山老褐衣  
酒徒久已到門稀  
忽看汴上傳書札  
自笑淮邊買釣磯  
嵩室倘攀珠樹去  
羅浮將望鐵橋歸  
他時鴻寶君堪授  
不羨青雲羽翼飛

夏日同陳使君敬甫游鄭園泛舟因懷王侍

御純甫

竹嶼花潭落日遲  
使君還共酒船移  
客能吳相袁絲飲  
郡似襄陽習氏池  
六月波濤沾翠黛  
兩河燈火散青驪  
飄零白雪梁園滿  
獨憶尊前楚調詞

登賢隱山寺



松下禪林偶一攀秋風搖落武陽關景宗鑿峴今  
何處士雅投戈尚有山梟綴白雲金塔上龍葱佳  
氣石幢問西來賢首開精舍只記祇洹半偈還

金剛臺

丹梯千仞石崔嵬楚徼秦疆更此臺竹外波聲淮  
水墮尊前秋色岳雲開紫駝風急銅關險白鴈霜  
飛錦樹哀郡鳩燃臍君不見莫誇雄視一州來

哭李于鱗

四首

梁園歸去老菟裘聞道先生不下樓太白星沉滄

海夜岱宗雲散大荒秋歌風東國泱泱後作賦西  
京楚楚流千古巫陽招莫返青山何處掛吳鉤  
金尊日向嵒湖開白雪泠泠一代才齊客詩傳三  
百在關門書授五千來孟諸烟莽麒麟臥碣石天  
風鴻鴈哀華髮凋零玄賞絕嶂前明月照崔嵬  
瑤草歲蕤獨閉關至今顏色白雲間相將向長婚  
初畢便逐盧敖去不還孤鶴驟回棲二室片帆風  
引到三山側身東望金銀闕憶爾仙人第一班  
過江諸子各天涯得我猶將劇孟誇自許會稽收



竹箭似從華頂弄蓮花代與共有中原約絕學能  
傳博士家誰料交游攜手盡扁舟淮海夢高沙

題王元美小祇園

宰官身已事東林厭向金門學陸沉醉後雙鈞滄  
海色燈前半偈白雲心持經頗解清齋久投老偏  
能住岳溪策杖給園精舍近可容同社一相尋

虎臣子禹惟中時雍子交集齋中

下馬嘔呼濁酒瓶西游賓客在黃亭布衣誰敢輕  
朱建木榻空羞老管寧舞罷長虹秦氣紫頭來明

月楚天青君看汝穎千秋會曾爲何人一聚星

雨中酬吳虎臣招飲普惠院

持經寄宿似靈臺祇樹林中一徑開白醴醲醑緣  
客設銀鞍沾濕爲君催他鄉留寓秦川遠羈宦風  
塵洛下來飄薄况逢秋雨裏不妨沉醉夜深迴

秋懷 八首

書牘三千奏上方酣歌銅馬昔年狂露桃笑進金  
盤濕明水看斟寶鼎香芝火夜深朝太乙華旗秋  
早獵長楊龍髯一與烏號墮何處天涯望建章



一出金閨荷 主恩遠遊心寄白雲垣  
嵩呼太室封高邑岱倚東方拜羨門  
搯腕談仙逢海客鑿空遣使問河源  
嚮來痛哭輪臺詔萬載安危屬至尊  
雙峰天闕秣陵開定鼎河山亦壯哉  
淮海烟花陪尾下岷嶓冰雪大江來  
軍懸萬壘胡塵斷漕轉千艘濁浪迴  
筆札十年趨走地張衡虛負二京才  
塞下呼韓納款成衣冠未可諱言兵  
九關斥堠通胡使萬國均輸入漢京  
夕戍遠連驃騎幕秋風還勒亞夫營  
小臣敢預雲臺議願以饒歌荅聖明

北上黃花一障孤朶顏三衛半吹蘆  
征人夕墮看烽淚使者秋飛出塞符  
沙苑已驅青海鶻天閑不用大宛駒  
宮羅馬市無勞計父老中原望賜租  
洛下鳴珂半弭貂上書多入紫宸朝  
五都任俠貧偏劇三輔論才老未招  
賦後風生雲夢獵樓前月憶廣陵潮  
何人不有圖南翼只道鸞凰在赤霄  
黃河東下引歸懷掛席清秋欲渡淮  
簪笏未能忘紫闈兒童先已辦青鞋  
百年天地尊吾足十岳烟霞乞此骸  
金液析將成晚歲葛洪山畔一茅齋



彩筆詩從萬里題薜蘿今自賦幽棲游梁豈必逢  
停駟懷越寧能戀執珪南海潮來黃木口羅浮雲  
傍赤花西束書沽酒堪投老不爲彈冠負杖藜

吳虎臣過新蔡寄張助甫

長裾落魄一交情白馬車尋蔡渡行置驛已知頻  
請謝掃門何處不逢迎西河客禮驕田子江夏時  
名忌禰衡把袂千杯看意氣中原還汝並縱橫

寄方藩伯

鴈過江南夢漸多十年燕草送鳴珂關中餉待蕭

丞相海上軍勞馬伏波琛貢百蠻應已入銘題五  
嶺更如何野人懷惠思歸去惟與漁樵一醉歌

寄胡郡伯

郡閣君來已及瓜憐余爲客未還家禮尊下榻逢  
迎簡詔許褰帷父老誇獨憶千觴南海月曾同九  
日廣陵花王褒欲奏中和頌四百峰頭臥紫霞

懷陳督學道襄豫章解歸

憶君偃蹇畏途難南楚諸生戀講壇自理釣魚歸  
客艇誰論簪豸侍臣冠海邊瑤草曾相寄嶺外梅



花只自看報道倦游書已上莫令烟水舊盟寒  
陳使君敬甫張進士于臯過齋中對菊  
僻居冠蓋肯同游花似柴桑爛熳秋  
客豈知逢使者故人猶自得江州天青杖底嵩雲落霜白  
尊前汝水流南望峭帆歸欲去宦情何處不滄洲

送袁左州

西下陀陵竹馬懽虎符何日出長安登樓山月諸  
蠻伏吹劔邊風萬騎寒鬱水星搖秦使節蒼梧雲  
傍漢臣冠明年羽獵誇胡客歸賦長楊雪未殘

送張進士于臯使河南因歸嶺外省觀

薊門烟柳故人疎謁者秋辭侍從廬桐栢西來迎  
負弩梅花南去傍停車風雲關外終軍使水旱河  
南汲黯書封事粵中須早上君王深念及樵漁

荅黎惟敬梁思伯潘少承燕京見懷

漢苑秋風侍綵旄故人近幸似王褒千鴻浮弋書  
來遠匹馬長安夢去勞河曲濁流通汝海關門紫  
氣接嵩高飄飄便可尋仙隱不爲將歸感二毛

予至汝南林幹夫王叔經亦自朗陵至攜酒



國虞詩集 游梁卷之五 十一  
夜過開元精舍見訪二君各談中條天台  
之勝因賦

巖城擊柝夜臨關斗酒能尋講寺間宦業君猶持  
筆橐鄉心吾已視刀環司空亭寄王官谷支遁銘  
題瀑布山處處烟蘿偏有夢平輿東望白雲還  
訪觀漢碑至淮瀆廟與繼上人鄧道士望大

復山

桐栢山頭客未歸溪棲真與世情違壁投淮瀆龍  
爭避錫過胎簪鶴盃飛黃帽共持花水供白雲偏  
戀薜蘿衣虎谿一望雙林晚猶笑浮名誤息機

過南陽飲方司勳允治宅

浮光客似廣陵貧五載逢君是故人省闈揮毫知  
賦就風塵握手見情親玉簫吹月江淮夜寶馬看  
花宛洛春明日關河千里去肯辭溪酌負陳遵

裕州光武廟

帝子親將九鼎扶飛泉猶足駭愚夫水前騎士滹  
沱水闕下書生赤伏符唐鄧北來存舊宅峻函西  
鎖卜東都投戈漢業千年盛惆悵荒祠亂夕烏



登昆陽樓

一片孤城日欲低，極天沙草共淒淒。  
乾坤尚想風雲陣，蒼莽猶驚虎豹啼。  
萬恨連營惟劔戟，諸山京觀盡鯨鯢。  
中原從此雄圖定，河隴長驅白帝西。

曉登龍門寺樓

烟中隱隱見層臺，僧臥高龕戶始開。  
曙早殘星連漢沒，春時飛翠過河來。  
伊流天際舟初渡，洛下花時鴈已迴。  
寶地珠林堪出世，自憐川陸日悠哉。

北邙山臨望洛陽城

漢主河山錦繡多，西人望幸意如何。  
金墉半納緌嵩月，鼎觀平臨穀洛波。  
自昔五經稱白虎，只今諸少滿銅駝。  
抽毫賦客蘭臺下，聽得東都父老歌。

洛西樓懷岑給事葉侍御

二子皆謫丞關西

迴磴層雲睥睨愁，爲君孤眺獨夷猶。  
關門西引三峰色，河水東懸萬里流。  
卷幔綠吹榆柳細，開尊紅暎杏花稠。  
春深遠作他鄉客，滿目風塵易倦游。

偃師東寄王元美

書來桐栢歲將殘，鴈過姑蘇雪未乾。  
二室我遊能



賣畚五湖君去但持竿乾坤萬事爐頭盡風雨孤  
征七首看知有江南春可贈梅花偏憶玉騮寒

### 白馬寺

河山百二走關門經入中原佛自尊白馬馱從天  
竺國青鴛飛傍給孤園蒲團雪積花前供貝簡雲  
溪石上繙自昔南宗稱弟子不將文字與僧論

### 登少室山

削壁嶽崿萬木摧天邊寒色大荒開白雲玉檢封  
中出紫氣函關馬上來三輔干城分陝地五陵賓

客集仙臺秦壇漢時虛無裏杖底西風首共廻

### 從太室遂上嶽頂

白鶴觀前人跡稀獨探靈氣謁天扉岳雲低向祇  
林落瀑雪遙從御路飛狩日庭頒羣后玉宴時鳥  
識侍臣衣只今 聖主巡游少父老何勞望羽旂  
謁嵩岳廟登天中閣

金支翠蓋百靈趨測影天京宅此區只尺扶風開  
二華蒼茫 楚望三塗洛曾卜曆千年在路爲升  
中萬歲呼嘉祀告成多協氣詞臣何日奏西都



嵩少山中懷張助父

策杖高臨百八盤雄心忽自上巔  
岷飛虹不斷千峰色積雪長吹五月寒  
河水曉縈秦路樹岳花春覆漢封壇  
叔卿白鹿能相待二室何時共爾看

雪中訪朱灌甫

蕭條匹馬汲梁行海內溪馳十載情  
敢藉交驩爲重客尚能都講領諸生  
歌風大國聞何晚積雪平臺賦未成  
篋裏書藏應早奏河間雅樂在西京

贈孟中丞

夷門文苑自君開雪滿黃河我獨來  
過鄭豈期逢七子游梁偏自愧羣才  
滿延客坐還推轂曾總戎機數舉杯  
聖主借籌今欲召不知何處望三台

朱僊鎮岳王廟

百萬長驅虜不支金牌誰遣哭班師  
英雄未飲匈奴血天地空摧馬革尸  
二帝夢魂沉朔漠兩河父老望旌旗  
西風折盡沙城柳猶似將軍督戰時

許州游西湖寄吳少修兼懷陳士鵠

斗酒星亭不共携使君遠在七閩西  
昔來聽水誰



開檻老去看花一杖藜五岳自能尋向長三亭那  
得侍王嵇太丘爲吏今何似樓上懷崧早寄題

邵長孺訪余光州遂赴汭上

三年汝海見君遲念我江淮首蓓時家故牛醫遊  
最久世無狗監去何之平原十日偏能飲梁苑諸  
生雅善詩西上吹臺沙草綠相思惟有白雲期

游梁集卷之五終

游梁集卷之六

嶺南歐大任楨伯甫著

五言絕句

劉太守玄湖別業 十九首

于野堂

明農君早歸榮宦世多巧呼鷹自賢豪行歌飯牛  
飽

依雲樓

高丘儘牛眠雲裏松幾箇扶策一登樓目送雙鴻



過

注經閣

筆格置墻隈閉窓山葉墮誰來候先生夜深把藜

火

龍山

千里開平楚丹梯延佇中山山堪落帽不必待秋

風

翠霞塢

鶴前平欲臨松杪高可吸此中敷坐時難偈僧來

揖

香雪巢

玉林積飛霰風過篔簹寒煩熱何所有天花灑蒲

團

桔槔亭

湖田歲歲熙頗似灤西村俯仰無機事丈人方灌

園

舴艋亭

漁人榜小舟詰曲桃花水雞黍能相邀問津儻來



此

秋水亭

鵝雛發南海逍遙吾所之鳴之自腐鼠奚用相嚇

為

野雲亭

風靜雲歸山風起雲作雨偃僂人無心日倚亭前

樹

茶汀

卜居天門下置園顧渚山茶竈支泉側夕待樵人

還

酒嶼

丘中酥醪香疊麴松花旁隱矣桐栢水剪珪封醉

鄉

葦灘

湖波激葦灘其下石齒齒何異瀟湘秋和歌滄浪

子

西疇草堂

父老談稼穡柴門巾我車遠懷古田舍擊壤今何



如

馴鶴樓

緱氏一羽衣  
翩躚行獨馭  
相將浮丘公  
接上嵩高去

鹿曲

仙人衛叔卿  
雲中醉騎汝  
蜿蜒成白龍  
服驂叩靈

園

桂柵

好道仙人至  
尊生逸老年  
淮南一萬樹  
樛曲小山

前

槐園

出世一大事  
駢梅誠何意  
那知蒼荀林  
婆娑漆園

吏

射圃

控弦風鳴鏑  
長楸古城下  
白頭報主心  
金埒且

馳馬

送蘇君錫

一首

伊陽下汝河  
大淮望西浙  
如何故鄉人  
却在他鄉



別

日望江南路秋風吹葶衣錢唐君欲渡應與鴈同飛

郡樓下臨淮河

三洲樹似薺千里沙如月何處落帆還登樓望吳粵

秋夜過褒信聽橋下流泉

磬下鳴琴響披衣白露寒憶在東林宿僧來石上彈

白公寺與二三釋子夜坐

塵纓偶一濯瀟灑泉上石何期趨府人共此聽鍾夕

荅張乾甫 二首

俯仰人間世經年客未還不堪持手版馬上望嵩山

河洛忘歸路東尋大呂亭委心曾十載不是愛沉冥

荅李蔭京師見寄 三首



開槭不忍讀字字念情人多少登樓恨烟花又一春

來上書君未遇聞欲下燕臺何事青氈冷先生亦肯

思徇祿猶卑吏歸山已後時長安書不到君但寄相

齋夜

解裏雙林月城邊一澗烟西齋誦經罷寥寥茲夕

眠

梁彥國奉使江南道出光山以書見寄賦贈

首四

同舍君為使前途負弩多浮光不相待驅馬意如

何

引經曾斷獄三府署曹郎知爾王程急郵籤報弋

陽

西曹銜命出何日下都門蚤見江南雨應申孝婦

寬

使星入部中汝水聞君度何由送雙旌山城日將



幕

對雨

嘉賞不妨獨冲襟何所營散帙山齋雨那能知世情

寄王屋山劉居士 二首

夢入烟蘿山一攀雲中駕至今聞僊鐘恍惚瑤臺下  
北尋小有洞是昔軒轅家何日從夫子天壇掃落花

少林夜起招思定禪師

我憐岳下月師禮佛前燈東林俱不睡還來支瘦藤

過少室書院是李渤徵君舊居

人傳諫議名不識徵君宅嵩雲無世情飛入牕間白

初祖庵

九年事若何辦此一心竟學人入洞來視此石上影



學時雪滿膝談時天花落是佛卽是心定後吾自覺

潁水

君辭九州長瓢掛泉頭樹洗耳莫臨流恐有飲牛去

盧鴻巖

中嵩太乙南巖竹風猶掃長鏡吾欲來爲君種朱草

密孫大風阻宿朱家莊

四首

朝渡溱河左僕夫凍僵臥誰遣綰行人柳絲馬前墮

勁風東北來沙蓬千里飛十步不可往還復入荆扉

客子夜中飯策羸出又返雖非倒馬關竟似回車坂

兩夕田家宿主人黃梁熟燃燈起繞牀徘徊候朝旭

游梁集卷之六終



游梁集卷之七

嶺南歐大任楨伯甫著

七言絕句

答劉仲貞

山中注易不須刪  
稷下誰知有鷓冠  
我自最憐嵩少色  
白雲披褐幾回看

答朱正叔 六首

寶劍誰持托片心  
江城何處不蕭森  
爲君欲請南昌尉  
豈但金門可陸沉



尺書南去綵雲間  
羨汝匡君九疊山  
搖落楚天不堪望  
秋風將下木陵關

長裾賓客善筌篲  
飛擁王孫紫玉騮  
君自枕中書可寶  
只携雞犬白雲游

天上波濤彭蠡湖  
豫章颯颯赤楓孤  
相思寫入丹靑裏  
不數滕王蛟蝶圖

揚州烟月老江干  
楚客年年首蓓寒  
頭白游梁今已倦  
賦成那得寄君看

蕭瑟千家汝海秋  
大淮東下注邗溝  
雙魚好寄長江水  
莫遣浮沉過石頭

辭署邑後入浮光山

天眼支郎定裏開  
笑予辭印入山來  
自憐不似柴桑冷  
三徑荒時尚未回

送熊子貞會試 四首

傳經弟子爾超羣  
落筆曾驚五色文  
春日甘泉新奏賦  
子虛誰道獨凌雲

結束輕裝紫玉騮  
雪中嘶入漢長楸  
五陵賓客能相薦  
曾是河南第一流



吳公今引賈生來意氣千秋亦壯哉此日殿前親  
策士洛陽寧少治安才

如雲詞客滿公車君入承明侍從廬若見長安鴻  
鴈過玉河西畔好題書

春日出郊登五龍臺過鄆家莊看花 六首

晴光飛灑五龍臺少室三花向此開不是仙人誰  
敢過絲雲沒擁玉鞍來

淮河西下遶城斜馬上相逢問酒家郢客何來歌  
白雪千門春色盡楊花

花源疑入武陵春修竹高臺霽色新獨把珊瑚還  
遠去不知何處寄佳人

碧舊樓邊朱槿樊人家半似辟疆園叩門一笑逢  
僖父豈但江南有竹村

嵩洛東南羨此州藏春塢是翫花樓聽鶯不覺留  
人住細浪迴船丈八溝

千花萬花錦滿城牡丹開後熟朱櫻春深五斗金  
莖露醉殺陳留阮步兵

晦日登鎮淮樓



國虞音集 游梁卷之七 三  
烟深隄下綠絲新花鳥中原過一春尺素淮河須  
早寄天涯芳草待歸人

寄朱邦憲

二首

才名入洛未相逢我憶雲間陸士龍明月扁舟何  
處路爲君持檝下吳淞

譚詩匡鼎解人頤豈似朱游折角時三泖烟中吹  
笛去流波空訊十年期

九日王九德崔繼甫沈恩甫見邀同吳虎臣

飲八首

秋色山山照酒杯滿天鴻鴈過淮來誰知萬里思  
歸客半醉西風戲馬臺

作客黃亭近楚天叅軍誰似孟嘉賢武昌西望龍  
山宴多少風流落帽邊

高齋賓客未全貧杯爲黃花送百巡毋論積薪猶  
不調十年持戟是何人

總爲風塵作吏慵寧能五斗負千峰愛君今日東  
籬下還著將歸邴曼容

楚客柴桑處士風他鄉共醉菊園中小兒已鼻藍



歐陽文忠公集 卷之七  
與待莫惜千觴勸醉翁

九月清霜林木疎廣文官舍似山居汝南只道長  
房事插帽茱萸盡可書

門外何由有白衣陸沉車馬亦應稀江州昨日千  
錢送那得醒時放客歸

鄰齋秋釀熟多時况是天涯九日期首蓓滿盤花  
滿徑莫令京洛貴人知

九日晚復同虎臣過伯玄飲湖上樓 四首

霓旌西導過湖船岳色秋風散夕烟醉擊空明濤

欲起綵雲樓閣在中天

金剛臺小一鳴夷大蘇大陽如酒卮劉郎字字白

雲氣猶嚼黃花把劍吹

吳生對酒望天都作賦曾同楚大夫我采三花游

二室明年相憶佩茱萸

樓前列岫碧崔嵬僕僕先生黃鶴來遙動仙人一

瓢酒看余東海渡蓬萊

夢故姊夫郭明府邦翼

世緣何事盡空花夢向烏衣問謝家地下金棺應



有恨不從勾漏餌丹砂

登霸王臺屬驟雨至

何處滄函風雨來  
楚天搖落正悲哉  
玉門西眺憑陵下  
不見烏騅走漢臺

秋晚同陳使君張進士飲喻園

五首

淮上園林樹已殷  
使星入部照江關  
習池未少風流興  
拚與山公倒載還

空濛山翠朗陵開  
楚客悲秋且莫哀  
病後登臨枚叔在  
城頭何羨景夷臺

金梁館裏似江湍  
傍艇飛來白雪寒  
十里芙蓉雙槳過  
五湖秋色醉中看

清尊會共謝公游  
客豈羊曇淚亦流  
搖落丹楓前日路  
不知何處是西州

大陸風高萬馬騰  
喻家園上放秋鷹  
霸臺東去堪回首  
落木荒山入固陵

送王侍御純甫量移內江令

六首

當時諫獵禁庭聞  
憔悴孤城汝水雲  
稍得戴星湔上去  
漢家遷客最憐君



國朝詩集  
游梁卷之七  
秋風棧道馬躊躇萬里蠶叢念謫居君自楚人蘭  
作佩岷江西上莫投書

廣漢捷爲古縣存江通土壘劔爲門郾筒酒熟巴  
童舞縱謫難忘 聖主恩

五嶺風烟行部中按章誰似鮑家驄武溪玉笛門  
人奏猶憶樓船一劔雄

公嘗按吾廣勒兵海上故云

錦城游處浣花寒秋色飄零尚楚寇九折畏途行  
叱馭坂前人作使君看

翩翩仙令有主喬江縣青楓路未遙鳧是尚方曾

賜舄明年飛入紫宸朝

光州北樓觀雪 二首

汝海風生萬壑雷飛雲吹過漢王臺醉看半似秦  
關路馬首梅花片片來

楊子江深雪滿舫黃河水側掛帆青六花又向淮  
樓見那得蓑衣釣洞庭

送吳虎臣之楚 四首

風流江左陸平原入洛深懷國士恩車馬東西交  
聘日憐才誰似楚王門



國虞詩集 卷之七  
開府千秋作賦名幕中賓客布衣情西風大別濤  
如雪君但褰裳采杜蘅

解佩湘妃去不廻至今啼鴈楚天哀詞人只自誇  
雲夢明月珠旗大獵來

樓開鄂渚萬楓丹醜酒同誰七澤看莫向江潭獨  
醒去九歌天濶白雲寒

郡中送膳錢至首宿齋漸有酒矣戲呈同僚

二首

館裏高歌似鄭虔藜羹麥飯已經年何來阿堵呼

兒舉誰信先生只有龜

江州刺史蘇司業似勝屠沽市上兒便可從君看  
山色飡錢今作酒錢支

伯玄旣荅隍州行復餉雙鵝重以絕句更和

一首

道士崇虛六翮飛鵝羣掩素艸書稀隍州賦共筠  
籠至絕勝山陰野雉肥

同趙新息行次唐縣聞龔判官從舞陽已赴

商城



國風部集  
游梁卷之七  
賈父何因並轡來行談渤海使君才千山不共銜  
杯日東指松陂過漢臺

南陽館夜聞涓水溜聲頗似吉州灘流也枕  
上有作

匹馬關山倦客情宛城高閣涓河聲北風吹夢江  
鄉去一夜扁舟雪浪行

彌陀寺西館方秀才見過

賓客通家似孔融標鮮滿坐有兄風一時童子即  
無數看爾含香入漢宮

題紫雲山黃道士院

紫雲山裏黃花洞十里襄城路不迷童子芝圖何  
日授玉池風谷具茨西

曉行宛城北路懷九德繼甫恩甫三僚

魯陽關外曉聞笳官柳千行雪滿沙想得高冬人  
睡足城頭吹笛落梅花

清源觀題壁

白馬經來石上刊乾坤百戰未摧殘摩挲尚有開  
元字憑軾中原我獨看



馬上見天息山渡河入汝州

天息山前一旅人廣成澤畔萬家春  
城頭無限魚陵色日暮移船獨問津

洛陽看花 六首

烟光漠漠萬家寒京洛春遊興未闌  
細草沙平飛騎過玉樓牕小醉顏看

二月花朝錦滿城五陵公子粲朱纓  
席茵檻轉移春去鬪草妝新競早行

千柳河隄垂綠絲新鶯先到魏王池  
援春濱學諸

年少無奈東風日日吹

華林園過石家園金水流從太白原  
十里烟花今不減上東門外醉王孫

鴻池綠水傍東都清籞花枝絕代無  
酤酒天津寧論價朝來山鳥勸提壺

洛中來爲牡丹期曾醉楊州芍藥時  
從此芳菲驕不得馬頭春色滿囊詩

贈白馬寺八十覺上人

幻住庵前一衲衣黃楊樹老白雲飛  
師今莫問人



間世只記西來幾日歸

毘盧閣觀舊藏示講經僧

十載翻經事若何法門原自學維摩莫邀謝客匡  
山社縱有鋒機覺已多

次偃師寄王敬美 二首

王家小令最風流江左題書念遠遊采得三花持  
欲寄白雲春色滿嵩丘  
十年華髮傍風塵薄宦誰憐似積薪蝦菜扁舟差  
不惡憶君芳草五湖春

與惟上人少林翫月懷伯玄仲貞 六首

飛盡浮雲蕩紫烟我來搔首問青天嵩山月似寥  
陽月一夜開門河漢邊

娟娟猶自照蛾眉玉女臺前玉女池笑問緱山王  
子晉醉來還借玉笙吹

半夜翩躚白鶴回萬峰明月照崔嵬相將一謝時  
人去絳節霓旌導我來

故人汝海二劉君嵩少曾期共勒文此際登樓望  
珠斗憶余三十六峰雲



海內稱詩誰大名漢庭方重汝南生  
薊門禪客同  
今夕碧落空歌萬里情

佳人怨別碧雲期詞客高僧亦  
得清光粲  
成綺江淹能擬惠休詩

酬鄆城王明府

慷慨遼西國士風鄭莊愛客與君同  
澱亭醉別頻  
回首認得長安五色驄

雨中渡河還光州

河邊衝雨客行難片片浮雲傍馬寒  
西去問津頭

欲白莫今年少路旁看

寄金惟良 二首

宣平南去把芙蓉招手黃山萬丈峰  
他日相期秦  
觀下瀑泉飛傍石間松

我向中原作酒星憶君天際大鄣亭  
五千欲受盤  
囊字牛出關門認是青

游梁集卷之七終



遊梁集跋

世恆言文人不敦實行余觀南海歐君楨伯一何篤論君子也嘉靖乙丑獲交楨伯於燕京余時始釋褐出守鄭州而楨伯亦拜江都博士去隆慶庚午余補光州楨伯先以被薦典教于此握手驩甚每見其謙虛自持廉約益礪恂厚雅飭似不能言所爲詩歌則與嵩嶽並高大河爭駛人咸推列于二三作者間於是海內競推轂楨伯矣守博士者八年未嘗幾微有淹屈可憐之色惟念母請休牒



狀數至余謂太夫人幸健君強爲我風厲學者今  
觀集中游子篇歸來行秋懷雜咏諸作不可窺其  
志行耶余雅重楨伯不徒以文人視之也因捐俸  
爲刻于郡齋梁楚之墟精光燭天殆由此哉殆由  
此哉壬申三月東吳陳王道書



程

